



DET KONGELEGE
KOMMUNAL- OG REGIONALDEPARTEMENT

Verlandet Vel og Jostedal Bygdelag
6871 Jostedal

Dykkar ref

Vår ref
12/742-13

Dato
27.8.2012

Statsbudsjettet 2012 - kap. 552 post 72 Tilsegn om tilskot på inntil 475 000 kroner til Værlandet Vel og Jostedal Bygdelag til prosjektet Fjellfolk, havfolk og byfolk - Bulyst 2012

Tilsegningsnummer: 12242051

Vi viser til:

- Utlysing av bulystmidlar på www.regjeringa.no/bolyst
- Søknad frå Værlandet Vel og Jostedal Bygdelag

Kommunal- og regionaldepartementet (KRD) gir med dette tilskot på inntil 475 000 kroner til prosjektet Fjellfolk, havfolk, byfolk i regi av Værlandet Vel og Jostedal Bygdelag i 2012.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 19 prosjekta som er valde har ulik innretting, ulike tema og stor geografisk spreining. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein heilt sentral nettverksbygger og regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for

prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktsutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke www.distriktssenteret.no. Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnsatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykkar vidare arbeid, og papirutgåva er difor òg lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ønskjer at prosjekta skal vere synlege, både lokalt, regionalt og nasjonalt.

Mål for prosjektet

Dette er eit tilflyttingsprosjekt som vil skapa bulyst og attraktive lokalsamfunn på to plassar i Sogn og Fjordane. Ein vil nytte naturbaserte reiselivsopplevingar og småskala reiselivsaktivitet for å skapa attraktive møteplassar og sesongarbeidsplassar for ungdom, og på den måten forsterke profileringa av bygdene.

Prosjektet ser føre seg at dei naturbaserte reiselivsopplevingane kan gjere ungdom meir interesserte i å busetje seg i lokalsamfunna, og at utkantbygdene kan ha glede av same metodar som har verka for å få tilflytting i regionale sentra som Eid og Sogndal.

Prosjektet har eit ønskje om å byggje eit miljø for naturoppleving som er sterkt nok til å overvinne avstandsulempene, og vil gjennom bulystprosjektet undersøke om dette kan gjerast, og korleis dei må innretta seg for å få det til.

Prosjektet har særleg merksemd på ungdomsgruppa i lokalsamfunna og skape gode haldningar, kunnskap og forståing for dei naturkvalitetane desse samfunna har. Dette mellom anna for at ungdommane skal ønskje å flytta heim igjen etter å ha budd andre plassar.

Kostnadsoverslag

Prosjektet har eit totalbudsjett på 950 000 kroner. KRD gjev tilsegn om inntil 475 000 kroner over kap. 552, post 72 i 2012. På grunn av ein feil i samband med lanseringa av tildelinga til dette prosjektet vart feil sum offentleggjort. Vi beklagar dette. Om det er

ønskeleg å utvikle og utvide prosjektet vidare, kan prosjekteigarane søke om midlar i samband med Bulyst 2013.

Følgjande budsjett ligg til grunn for tilskotet, for heile prosjektperioden. KRD gjer merksam på at vårt tilskot gjeld fram til og med 2014.

Budsjettplan

Tittel	2012	2013	2014	2015	2016	SUM
Lokale tiltak (jf Handlingsplan)		200 000	200 000			400 000
Prosjektleiing (2*20% stilling)		200 000	200 000			400 000
Reiseutgifter, adm. møte mm		75 000	75 000			150 000

SUM 950 000

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på www.regjeringen.no/krd/retningslinjer.

Høvet til EØS-regelverk

Kommunal- og regionaldepartementet har vurdert det slik at Værlandet Vel og Jostedal Bygdelaag i denne samanhengen ikkje driv med økonomisk aktivitet og at Værlandet Vel og Jostedal Bygdelaag ikkje skal sjåast som eit føretak i EØS-avtalen sin forstand. EØS-avtalen sine reglar om offentleg stønad vert difor ikkje brukt på tilskotet.

Vi ber Værlandet Vel og Jostedal Bygdelaag vere merksam på at dersom de vidareformidlar heile eller delar av tilskotsbeløpet til andre aktørar må de halde dykk til reglene om offentleg stønad.

Værlandet Vel og Jostedal Bygdelaag bør også vere merksame på at dersom det vert gjort endringar i prosjektet vil dette kunne føre til at aktiviteten i prosjektet endrar karakter frå å vere ikkje-økonomisk til å vere økonomisk. I slike høver vil reglane om offentleg stønad kunne kome til nytte.

Vilkår for utbetaling av midlar:

1. Værlandet Vel og Jostedal Bygdelaag må innan 30. september 2012 stadfeste overfor departementet at det er aktuelt å gjennomføre prosjektet, og at tilskottet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.

2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal først spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskottet tilsvarende. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Rapportering og kontroll

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema.

Vi ber om at den første, årlege rapporten vert sendt til departementet seinast 24. april 2013. De finn eit eige rapporteringsskjema som skal nyttast til rapporteringa på www.regjeringen.no/bolyst. Papirkopi av skjemaet er òg lagt ved dette brevet.

Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskottsutbetaling).

4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskotet er gyldig i tilsagnsåret, og dei to påfølgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2013. Utbetalingsoppmoding må sendast til departementet innan 1. desember 2013.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegningsnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottak@krd.dep.no:

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalingar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing

Gerd Slinning (e.f.)
avdelingsdirektør

Lise Østby
seniorrådgivar

Dette dokumentet er elektronisk godkjent og sendast utan signatur.

Vedlegg:
Rettleiar i lokal samfunnsutvikling
Rapporteringsskjema for bolyst

Kopi til:

Riksrevisjonen	Postboks 8130 Dep	0032	OSLO
Plan- og administrasjonsavdelingen			
Distriktssenteret - Kompetansesenter for distriktsutvikling	Ogndalsveien 2	7713	STEINKJER
Luster kommune		6868	GAUPNE
Askvoll kommune	Postboks 174	6988	ASKVOLL
Sogn og Fjordane fylkeskommune	Fylkeshuset	6863	LEIKANGER